



Broj: 01/14-02-2734/23-1
Sarajevo, 27.11.2023.g.

Primljeno: 27-11-2023			
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 27.11.2023. godine održana je 12. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o poduzetničkoj infrastrukturi u Federaciji BiH,
2. Prijedlog Zakona o poticanju razvoja male privrede u Federaciji BiH,
3. Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, predlagač: Klub poslanika HDZ BiH – HNS – skraćeni postupak,
4. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa,
5. Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije Bosne i Hercegovine za 2023. godinu za period 01.01. do 30.06.2023. godine na propisanim obrascima,
6. Zahtjev Udruženja stečajnih upravnika "SAVREMENA STEČAJNA MISAO" TUZLA, od dana 17.10.2023. godine, broj 01/14-02-2554/23,
7. Zahtjev za isplatu stare devizne štednje JIK banke a.d. Beograd, filijala Tuzla, od dana 23.10.2023. godine, dostavljen od strane predsjedavajuće Predstavničkog doma Parlamenta Federacije BiH gđe. Mirjane Marinković – Lepić, a koji su u parlamentarnu proceduru uputili Krešić Ljiljana, Lukić Gordana i Krešić Zlatimir,
8. Razmatranje Podneska gđe. Mirsade Softić, broj 01/4, 01/14 – 45 – 1771/23,
9. Razmatranje Inicijative za izmjenu i dopunu Zakona o komisiji za vrijednosne papire, koju je pokrenuo S E T – Samostalni Ekspertni Tim za odnose s javnošću i upravljanje reputacijom, od dana 14.11.2023. godine

ПАРЛАМЕНТ ФЕДЕРАЦИИ
САНКТ-ПЕТЕРБУРГ
Комитет по законодательству
и государственному контролю
за качеством законов
и нормативных актов
Санкт-Петербурга

Примечание:		
№ п/п	Наименование	Сумма



Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

I Z V J E Š T A J

Ad-1. Prijedlog Zakona o poduzetničkoj infrastrukturi u Federaciji BiH

Nakon uvodnog izlaganja predstavnika Federalnog ministarstva razvoja, poduzetništva i obrta Odbor za ekonomsku i finansijsku politiku je obavio raspravu o Prijedlogu Zakona o poduzetničkoj infrastrukturi u Federaciji BiH i donio sljedeći

Zaključak

Odbor prihvata Prijedlog Zakona o poduzetničkoj infrastrukturi u Federaciji BiH i predlaže da ide u daljnju parlamentarnu proceduru.

Ad-2. Prijedlog Zakona o poticanju razvoja male privrede u Federaciji BiH

Nakon uvodnog izlaganja predstavnika Federalnog ministarstva razvoja, poduzetništva i obrta, Odbor je razmotrio dostavljeni Prijedlog Zakona o poticanju razvoja male privrede u Federaciji BiH, obavio raspravu i donio sljedeći

Zaključak

Odbor za ekonomsku i finansijsku politiku Predstavničkog doma Parlamenta Federacije BiH podržava Prijedlog Zakona o poticanju male privrede u Federaciji BiH i predlaže da ide u daljnju parlamentarnu proceduru.

Ad-3. Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata, predlagač: Klub poslanika HDZ BiH – HNS – skraćeni postupak

Sjednici Odbora prisustvovala su predstavnice Kluba poslanika HDZ BiH – HNS, te predstavnica Elektroprivrede HZHB Mostar i upoznale Odbor sa dostavljenim Prijedlogom Zakona o izmjeni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata po skraćenom



postupku. Nakon uvodnih izlaganja, Odbor je obavio raspravu i sa šest suzdržanih glasova ovaj Prijedlog Zakona nije dobio potrebnu podršku da ide u daljnju parlamentarnu proceduru.

Ad-4. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa

Odbor nije razmotrio Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Program integriranog razvoja koridora Save i Drine primjenom višefaznog programskog pristupa, jer sjednici Odbora nije prisustvovao predstavnik nadležnog resornog ministarstva Vlade Federacije BiH. Odbor je jednoglasno donio sljedeći

Zaključak

Odbor za ekonomsku i finansijsku politiku zahtjeva da na 7. redovnoj sjednici Predstavničkog doma Parlamenta Federacije BiH, a koja će se održati 28.11.2023. godine, prisustvuje predstavnik nadležnog resornog ministarstva Vlade Federacije BiH kako bi se dobili odgovori na pitanja u vezi dostavljenog Prijedloga Odluke u parlamentarnu proceduru.

Ad-5. Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije Bosne i Hercegovine za 2023. godinu za period 01.01. do 30.06.2023. godine na propisanim obrascima

Uvodno izlaganje dala je prisutna predstavnica Federalnog ministarstva finansija, nakon čega je Odbor donio sljedeći

Zaključak

Odbor za ekonomsku i finansijsku politiku prihvata Izvještaj o odobravanju izdvajanja sredstava iz "Tekuća rezerva" Vlade Federacije Budžeta Federacije Bosne i Hercegovine za 2023. godinu za period 01.01. do 30.06.2023. godine na propisanim obrascima.



Ad-6. Zahtjev Udruženja stečajnih upravnika "SAVREMENA STEČAJNA MISAO" TUZLA, od dana 17.10.2023. godine, broj 01/14-02-2554/23

Sjednici Odbora prisustvovao je Besim Hamidović - predsjednik Udruženja stečajnih upravnika "SAVREMENA STEČAJNA MISAO" TUZLA i veoma detaljno upoznao Odbor sa dostavljenim Zahtjevom u kojem su izneseni gorući problemi u oblasti privrednog života kako u Federaciji tako i u BiH, te prijedlog mogućih rješenja ovih problema sa ciljem poboljšanja života u oblasti privrede. Nakon uvodnog izlaganja, Odbor je obavio raspravu i donio sljedeći

Zaključak

Odbor za ekonomsku i finansijsku politiku Predstavničkog doma Parlamenta Federacije BiH daje punu podršku Zahtjevu i radu Udruženja stečajnih upravnika "SAVREMENA STEČAJNA MISAO" TUZLA.

Ad-7. Zahtjev za isplatu stare devizne štednje JIK banke a.d. Beograd, filijala Tuzla, od dana 23.10.2023. godine, dostavljen od strane predsjedavajuće Predstavničkog doma Parlamenta Federacije BiH gđe. Mirjane Marinković – Lepić, a koji su u parlamentarnu proceduru uputili Krešić Ljiljana, Lukić Gordana i Krešić Zlatimir

Dana 23.10.2023. godine Odbor je zaprimio Zahtjev za isplatu stare devizne štednje JIK banke a.d. Beograd, filijala Tuzla. Zahtjev je dostavila predsjedavajuća Predstavničkog doma Parlamenta Federacije BiH gđa. Mirjana Marinković - Lepić, a koji je u parlamentarnu proceduru upućen od strane potražioca za isplatu stare devizne štednje i to: Krešić Ljiljana, Krešić Zlatimir i Lukić Gordana. Odbor je razmotrio dostavljeni Zahtjev i donio sljedeći

Zaključak

Odbor za ekonomsku i finansijsku politiku Predstavničkog doma Parlamenta Federacije BiH traži od Vlade Federacije BiH da uzme ovaj Zahtjev u razmatranje i isti realizuje, to jeste da izvrši isplatu stare devizne štednje, a postupajući u skladu sa Zakonom o utvrđivanju i realizaciji potraživanja građana u postupku privatizacije FBiH kao i izmjenama i dopunama tog Zakona iz 2004. godine ("Službene novine Federacije BiH")



broj: 27/97, 8/99, 45/00, 54/00, 32/01,27/02, 57/03, 44/04), jer je ovim Zakonom propisano da potraživanje građana po osnovu stare devizne štednje postaje unutrašnji dug Federacije BiH.

Ad-8. Razmatranje Podneska gđe. Mirsade Softić, broj 01/4, 01/14 – 45 – 1771/23

Odbor je ponovno razmotrio dostavljeni Podnesak gđe. Mirsade Softić, broj 01/4, 01/14 – 45 – 1771/23 i ostaje pri svom prvobitnom Mišljenju da je Presuda trebala već odavno biti realizovana. Odbor je, također, dostavljeni Podnesak sa prethodno usvojenim zaključcima na 7. sjednici Odbora od dana 26.09.2023. godine prosljedio nadležnim institucijama i to Vladi Federacije BiH i Vladi Zeničko-dobojskog kantona sa ciljem realizacije ove Presude i rješavanja ovog problema, te u konačnici da gđa. Mirsada Softić ostvari pravo koje joj i pripada.

Tokom ponovnog razmatranja, Odbor je jednoglasno usvojio **zaključak**, a koji upućuje na dužnu pažnju i izjašnjenje Odboru za pravdu i opću upravu Predstavničkog doma Parlamenta Federacije BiH, a koji glasi:

1. Odbor za ekonomsku i finansijsku politiku traži od Odbora za pravdu i opću upravu da detaljno razmotri dostavljeni Podnesak i da svoje Mišljenje, kako bi se okončala agonija gđe. Mirsade Softić i Presuda bila realizovana od strane nadležnih institucija.

Ad-9. Razmatranje Inicijative za izmjenu i dopunu Zakona o komisiji za vrijednosne papire, koju je pokrenuo S E T – Samostalni Ekspertni Tim za odnose s javnošću i upravljanje reputacijom, od dana 14.11.2023. godine

Odbor je razmotrio dostavljenu Inicijativu za izmjenu i dopunu Zakona o komisiji za vrijednosne papire, koju je pokrenuo S E T – Samostalni Ekspertni Tim za odnose s javnošću i upravljanje reputacijom, od dana 14.11.2023. godine i jednoglasno konstatovao da je već uputio zahtjev prema Vladi Federacije BiH da čim prije u parlamentarnu proceduru dostavi Prijedlog za izmjene i dopune Zakona o komisiji za vrijednosne papire Federacije BiH.

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Odbor za ekonomsku i finansijsku politiku



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Za izvjestioca Odbora određen je Admir Čavalić, predsjednika Odbora za ekonomsku i finansijsku politiku.

PREDSJEDNIKA ODBORA

Admir Čavalić